

汾州府志
上



DS
793
S32F454
1771
v.1

册	1
卷	1

汾州府志序

刺史為

天子守牧凡境內山川民風景物
一切屬世磨鈍之具罔不奉
若

憲典然後乃為良守禹貢所

載職方所掌詳哉其言之
猶古志也三晉表裏山河

神京拱衛沐實我股肱郡牧斯

土者省方問俗輯事寧人
何所取裁語云前事不忘
後事之師也志又曷可少哉

竊恠為志者體例不辦考
覈不精譬如嗜古者得舊
人尊占敦盂或環印錢刀之
品刻畫崖窾模糊癢胝拾
為己寶摩挲不置而數典忘
祖為識者唯正如買菜之求

益又多乎哉西河魏土文侯
所與呂段干木田子方之遺
風他如澤博陸侯唐汾陽王
宋潞國公皆命世之英豪
接武至清風亮節若介之
推郭林宗後先輝映河山


法泚之氣磅礴鬱積今人
何處不如古要有觀茲而
興者願泚志自神廟後記
載闕如刺史孫君當友有
幹實不吝因循積習爰開館
聚書區搜博訪拾遺補闕

穢者疏之浮者挾之訛者證
之暮年歲事釐為二冊披
覽之下穆然如見山河之渟
峙阡陌之交錯人氏之熙穰
前賢往哲之頡頏而下上中
夫豈燕石之珍不足當波斯

一盼哉洵乎其有合鄒康成
知古志今之旨也余既喜刻
史之居官克敦厥事亦甚
望守牧者之各不忘所事也
是為序

乾隆三十六年孟春撫晉

使者鄂寶撰并書



志猶史也合之則為邦國周禮小史
掌之離之則曰四方周禮外史掌之
史不可闕志又安可廢顧作者非苟
焉已也如治室然自堂徂基規前矩
後成局在胸從而樸斲之恒墉之墜
茨丹雘之乃奕然煥然受張老之賀

矣汾州志成於前明萬厯中迄今百
數十年經思陵鼎革兵燹流離殆
如頽垣廢址不可收拾于此張皇
補苴視家所寡有加以潤色不可
得也刺史孫公來守是邦念古之
為政者必訪遺訓諮故實余志矣

稽禮曰古也有志傳曰周志有之闕
焉不講是近鑑索照也爰奮然起而
脩之發凡起例徵文考獻凡建置之
沿革陵谷之變遷風俗之醇澆物產
之滋息與夫忠臣孝子義夫節婦及
名賢流寓方技專門無不網羅散

佚著以傳著疑以傳疑是可以志矣
吁世之傳舍其官惟刀筆筐筭是
務至一切成敗利鈍隔閼不聞者
比而是倘有聞風興起慨然有作
斯志之成庶幾納約自牖矣于是

乎書

乾隆三十六年歲次辛卯督學使
者烏程吳巖書



月

三

汾州府志序

府領一州七縣得漢太原郡之茲氏
中都京陵界休邬西河郡之藺臯狼
離石隰成中陽土軍中亘大山若呂
梁黃櫨薛頡狐岐則二郡之所以限
唐宋已來為汾石二州兼有隰州地
府之設起明萬厯中後十餘年知府

王道一纂次府志寔始草創越今百
六十餘載無繼而為之者今秋之仲
諸城孫君以新志若干卷請余言挂
之簡端余謂此事匪易為也且如汾
州之名起北魏其初改吐京鎮為州
治蒲子城在今隰州徙治西河自裴
良始而西魏之汾州在今宜川北周

之汾州在今吉州隋汾州在今霍州
前此之為西河郡治也起北魏太和
八年孝昌中則僞置平陽界而漢元
朔四年初置西河郡本在河西永和
五年南徙五百九里治離石迄於晉
不異若其依河表目見經傳子史者
地不一所咸非府境以所屬縣言中

都為地三左氏春秋之中都在今河
內魏書之中都在榆次永安為地三
漢晉之永安在霍州北魏孝昌後之
永安與介休嘗僑置平陽而介休又
僑置汲郡汾陽為地五國語汾陽之
田在平陽漢汾陽即靜樂晉汾陽為
河東郡隸縣隋汾陽唐武德七年改

為陽曲其已後郡縣無汾陽之名而
郭子儀封汾陽郡王鎮絳州以地名
山澤言名梁山呂梁者春秋爾雅之
梁山在少梁孟子之梁山在今乾州
尸子呂覽淮南鴻烈暨水經注之呂
梁在今保德州西為河之鉅隘而泗
水中亘岨亦以名孔子所歎呂梁懸

水三十仞魚鼈不能遊者也名緜上
介山綿山者春秋之綿上在今翼城
後漢書之綿上在沁源揚雄河東賦
之介山在萬泉而翼城平定皆有綿
山鄔之北九澤班孟堅以為周職方
昭餘祁鄺道元以為呂覽晉之大陸
胥失之然則凡所論著雖勤求經史

猶眩若夢絲也同名異地未能證實
雜取其人與事於篇謂免識者之譏
難矣孫君重其事不以所知自多復
質諸休寧戴東原氏勒成一書於舊
志既無可仍襲遂綜博古今嚴整義
例用補闕典余厯官於閩於荆於晉
欲備知地之險易政之利弊以敷宣

聖天子德意檢閱府州縣志至夥求其述
地名山川能周知寰內形勢之全脈
絡條貫不失地防無紛糾傳合也記
載官政以及田賦征徭爾雅明劃遠
於胥吏案牘也傳一方之名宦人物
審確不假借文體追乎古人辭稱協
諸德行也若斯者蓋鮮孫君素練於

治視昔時沉廢輒力舉不少因循茲
役亦其一焉用是驗孫君之守汾總
八州縣而握其柄者事事勤求盡若
斯之用心不亦懋歟不亦懋歟

乾隆三十五年嘉平月

賜進士出身

誥授通奉大夫山西布政使司布政使前

日講起居注官翰林院侍讀學士大興

朱珪撰



汾州府志序

合環宇內外及上下古今紀一代之顛末以成一家言名之曰史。本於春秋嗣其後者推馬班為最而馬班異同彼此相笑終無定論若省與府州縣各據一隅以立言不支不蔓既無溢美又毋使挂一漏萬且畫井分

疆犬牙相錯與邠邑接壤如涇
渭異流皂白異質不至杳冥而
莫知其原惶惑而失其所守涖
茲土者一切巨細洪纖令其
弛而不張久而湮滅是亦史家
之遺意也汾州屬於山右前明
爲歷間始建爲兩爾時兩志猶
未修也迨萬歷三十七年知府

王君編次成書間有訛舛尚須
釐正夫金可銷石可泐首事之
人必賴乎踵事者使繼起無人
則墜緒茫茫終歸沉泯蓋王君
及今更一百六十餘年矣予同
年生孫君越薪政尚清靜由滇
南萬里

命守汾郡慨舊志之久而未續因追

王君意臚列而次第之又獨力
難勝更聘戴東原先生襄其事
東原名士也博覽羣書考訂精
核寰海文人皆知之相與丹黃
甲乙首沿革終藝文為例三十
卷卷三十又四使閱者隻眸炯
炯如白圭振鷺焉攷汾州分野
肇自禹貢屬於冀州嗣後因革

不一或稱西河或稱南朔或稱
介州或稱汾陽帶礪山河肘腋
秦晉自卜子設教以來流風條
韻猶未聞寔况溫泉足樂騶雲
可懷金鎖玉亭膏壤沃野昌泰
爲漢之英俊宋梁則唐之賢豪
迄文忠烈狄武襄尤間世而一
出者也由今溯昔士循乎禮教

民習乎樸誠事詩書安畊鑿不
亦休哉余奉

命分守翼寧嘉孫君之不辭勞瘁者

訂商權既付剗剗而亦知產是
土者含哺鼓腹出入嬉遊莫非

我

皇上之生息教誨樂育涵煦之所致
乎因不揣固陋而并于簡端

時

大清乾隆三十六年歲次辛卯春三
月山陰徐浩書



新修汾州府志序

郡邑之有志也其史家之流乎稽
之於古則圜稱之陳留者舊實
預之會稽典錄祇述人物羅含
之記湘中辛氏之記三秦多談
山水二者各自成家故劉知幾

有郡書地理書之別自宋以來
州縣志乘日以滋繁山川疆域貢
賦戶口仕宦人物莫不詳著於
編蓋無古二家之法而為之所
以存一方之文獻備正史之考稽
烏可闕焉而不具哉然而吏胥之

文簿抄寫或失體裁委卷之流傳
沿襲慮乖事實是必有上下古
今之學識而佐以典雅之文裁以
簡要之筆然後可以傳世而行
遠也汾州古稱西河明萬歷中
始升州為府領縣七州一兼有唐

汾石隄三州之境相沿至今者蓋
百五十餘年矣府之有志亦勦
於萬厯間規模粗具而踈略特
甚

國家統一海內無遠弗屆歲甲
申學閔以西域新疆式廓應增入

大清一統志上請荷蒙

俞允并檄取天下府州縣志上之
史局而吾府志尚沿其舊幸際
聖朝休養生息之治賦役清簡戶
版庶繁官師先達懿美可紀倘
不及時撰次恐有久遠放失之患

學閔曩在里門與同年呂學三暨
魏西銘昆仲私論及此輒以為
憾今太守諸城孫公以山左名宿
來莅吾郡政通人和百廢俱舉
暇日繙閱前志惜其久而未修
爰集紳士咨訪舊聞酌定體例


復延休寧戴孝廉東原攷證古
今筆削成書公於聽政之餘仍
親加潤色閱一年而告成體大
思精文約義賅追常璩之詳
審匹劉炳之該博所稱傳世行
遠而有益於史家者其在斯

乎學閔溥宦京華數年於茲未

獲預校雙言之末樂斯志之成而
吾鄉之文獻有徵也因不揣冒
昧而為之序時

乾隆三十有五年歲在庚寅冬
至前七日

賜進士出身吏科掌印給事中
前史官郡人曹學閔撰



八

一

一

一

一

一

一

一

序

周官有土訓誦訓之職土訓掌道地圖以詔地
事誦訓掌道方志以詔觀事鄭康成氏曰說
地圖九州形勢山川所宜告王以施其事說四方
所識久遠之事以告王觀博古所識然則圖志之
書其由來蓋遠洛州自政府以來舊嘗有志越
今百有餘年曠而不修且舊志草創踈略於
古今因革山川形勢疏之體要民之利病求其

序

伸手見指懸衡取平未之能也夫郡之於縣所
謂臂之使指也因革形勢體要利病既未始示
諸掌將

朝廷詢風土徵典籍而

當事者問民間疾苦責其官守職司徒據去
今百六十餘年踈於事懷者以應其不可甚明
顧余為是郡三載而後及志事何也非周察
而得其實不敢以爲言非精心於稽古不敢

筆之書是以遲之又久略知為是郡之大經乃復
徵詢八州縣備陳細目都舉統觀又適有休
寧戴東原氏來遊汾晉問今之治經之儒咸
首推戴君而是志得其嚴加核訂以余之體
驗於今者更能信不謬於古矣郡故多賢智
學古之士伺余於茲遲之又久之意而卒底有
成也欣然相率而請校勘雕印不緩於時余
三以感郡之人才荒遠傳合者不必言其近而可

師昔之日不有狄武襄文忠烈其人德高業隆為
國柱石若彼乎人苟自勉今猶昔也志中之事
地事觀事存焉求其切民用達治道也志中
之人抑又求其端士趨厚民俗也是則余蓄於
心三載者以是因書以為端首

乾隆辛卯季春之月知汾州府事

諸城孫和相撰書



汾州府志目錄

例言

圖

表

以上
首卷

沿革

卷之一

星野

疆域

以上卷
之二

山川

卷之三
卷之四

城池

官署

倉廩

學校

壇壝

以上卷之五

關隘

營汛

驛舖

以上卷之六

戶口

田賦

鹽稅

以上卷之七

職官

卷之八卷之九

宦績 卷之十卷之十一

食封

流寓

以上卷之十二

人物

卷之十三至卷之十六

義行

卷之十七

科目

卷之十八卷之十九

仕實

卷之二十

列女

卷之二十一卷之二十二

古蹟

塚墓

以上卷之二十三

祠廟

卷之四

事考

卷之五

雜識

卷之六

藝文

卷之二十七至三十四

重脩府志銜名

纂脩

汾

州

府

知

府孫和相

山東諸城人
戊午舉人

參訂

汾

州府

清

軍

同

知李遵唐

河南固始人
甲子舉人

汾

州府

督

糧

通

判劉望齡

福建沙縣人
監生

分脩

調

任汾

陽

縣

知

縣朱

濬

甘肅靈州人
丁卯舉人

汾

陽

縣

知

縣李文起

廣東歸善人
庚辰進士

原

任平

遙

縣

知

縣德

貴

滿洲正白旗人
丙辰舉人

平遙

縣

知

縣蔡亮茂

浙江德清人
丁丑進士

介休

縣

知

縣王謀文

浙江山陰人
貢生

原任孝義

縣

知

縣鄧必安

江西南豐人
甲子舉人

孝義

縣

知

縣黃印

直隸天津人
丙子舉人

原任

臨

縣

知

縣丁宗懋

湖南醴陵人
丙子舉人

臨

縣

知

縣嚴慶雲

陝西沔縣人
辛未進士

石

樓

縣

知

縣梁植

廣東順德人
丙子舉人

永

寧

州

知

州王興穀

江蘇金山人
貢生

寧

鄉

縣

知

縣朱懋炳

四川崇慶州人
王申進士

參閱

汾州府儒學教授李時中

山西太平人

汾州府儒學訓導陳璉

山西代州人廩貢

督理

經歷司經歷毛麟

江蘇陽湖人史館議叙

採訪

戊子舉人卞爾琬

乙酉拔貢王廷槐

校對

乙酉舉人程學曾

乙酉舉人馬錦襄

候

選

理

問賈

應

監

生杜

玫

監刊

原

任

知

縣段

珫

原

任

巡

檢魏

國卿

貢

生姜

思熹

貢

生郭

繼僊

監

生趙

嘉泰

生

員趙

葆光

汾州府志

例言 十則

汾州自前明萬歷二十三年改府越十餘年知府王道一始纂次府志成於萬歷三十七年距今百六十餘年中間紀載闕如府屬一州七縣志雖各有增續亦距今數十年至有體應繫之府者州縣志固不得而詳況各志具存纂次多非其人徃徃因陋就簡稽其山川形勢及民間利病啟卷茫然夫以百六十餘年之遠八州縣之廣官事民事治要所在不可聽其散逸也用是訪輯成書蓋不敢云少待矣

志之首沿革也有今必先有古古曰州曰國國有分邑其後爲郡縣又其後設州以統郡郡以統縣而隋唐間州與郡無別惟稱名互改而已明以來則曰府曰州曰縣其間分合移徙隨時不同如一西河郡也其初在河西舊呼爲河套今鄂爾多斯左右翼六旗居之後漢永和五年始徙今府屬之永寧州北魏太和八年始置於今府治南十六里之故茲氏城孝昌二年則僞置平陽界北齊復太和中之舊一汾州也其初在今隰州孝昌中移今府境西魏別置汾州在今陝西宜川縣北周以東魏之南汾州爲汾州在今吉州尋又置汾州於今霍

州隋汾州亦與北周同唐武德三年復孝昌中之舊一
平遙也其初曰平陶在今文水縣一介休也孝昌二年
僑置平陽界永安中又僑置汲郡界今平遙縣漢中都
也而北魏之中都徙置於榆次今孝義縣三國魏之中
陽也而漢中陽西濱黃河北魏太和十七年於此置永
安縣而孝昌二年則僑置平陽界前乎北魏者後漢魏
晉之永安皆今霍州北周攻拔永安城亦在彼不在此
昔人考之不審徒檢史書中涉乎西河汾州中都平遙
介休永安之名者取而列諸名宦人物因又祀於名宦
祠鄉賢祠論其世考其地實非官於斯產於斯者也而

此地名宦人物徃徃遺失之故沿革定而上考徃古
乃始無惑

星野次乎沿革其說起於周禮九州之分星至春秋時
言列國分星尤詳漢書乃以郡縣隸之然於古州國徃
徃齟齬不合蓋秦漢間已失其傳非實有所見而分之
者也存古說以見梗槩而沿革不明不可以道古作志
者或先及之非其次矣至若圖繪星像錄步天歌尤屬
固陋

疆域次沿革星野之後考今自是始也疆域辨而山川
乃可得而紀

山川次乎疆域其莫也本天地之自然而形勢在焉風
氣繫焉農政水利興焉作志者徃徃散列漫無敘次三
者無由見也今以水辨山之脈絡而汾之東西山爲隸
爲枝爲來爲去俾井然就敘水則以經水統其注入之
枝水因而徧及澤泊隄堰井泉高高下下不失地防與
水利除水患從是求之思過半矣故兼及自昔以來引
渠灌溉之法築防疏濬之功備詳其下令衆山如一山
羣川如一川府境雖廣山川雖繁按文而稽各歸條貫
務求切於民用從來作志者僅點綴嬉遊勝景何小之
乎視山川也

城池官署倉廩學校壇壝關隘營汛驛鋪戶口田賦鹽
稅凡十有一者官事也民事也綱之紀之富之教之撫
之衛之用之緩之政之大體於是乎在民之利病於是
乎在故次疆域山川之後

職官名宦食封流寓四者至斯土者之往鑑也人物義
行科目仕實列女五者宅斯土者之往鑑也職官食封
不可勿存也府志於職官題名多至丞簿而止今載及
縣尉者丞簿既裁則職在丞簿下者責務亦稍重也名
宦必其德澤及民操持可法流寓非名賢不錄此二者
所以著愛慕也人物必大節卓然義行必爲善足風或

一事之有益於人亦附焉科目仕實猶職官食封之存之也魏科貴仕世俗之所豔稱或無大表見或有瑕疵指摘又或後世僅知其官階失其行事今不得而列之人物如職官題名中有失其行事者今不得而列之名宦也史家列傳外分忠義孝義文苑等日志書多徵之然史之列傳以爵位故有爵位不尊及無爵位者不得不別爲目以紀之志之人物以人品學問德業而忠孝固德之大端也有德有文者於人物見之專以文著者於科目仕實中散見之無庸複列至於名教所棄猶巧飾誣欺雖會祀鄉賢邀聲譽今削而不錄蓋志與史例

有不同者史善惡並書志詳善而畧惡也列女本非盡屬節烈而賢婦往往鮮及之非賢婦之難也閨門以內庸德之行雖美弗彰也又富貴之家猶有文飾其辭爲傳爲記者窮巷下里實行其誰知之卽以節烈言其得請旌表者非素饒之家則子孫猶能揚其幽芳者也彼甘守凍餓老死屋下子孫無聞知無論力不能請旌卽纂志時加意勤訪而莫舉以爲言且歷年稍遠松柏與榛楚共泯沒是可悲也遺者蓋多書其所知而已職官科目及烈女中之節烈錄至纂志時乃止而名宦人物義行仕實但著已往今之人其有待於後之人論定歟


古蹟塚墓祠廟事考四者備稽古者之檢之也雜識又其餘也寺觀附祠廟之下明非正也志書俗體列仙釋一目今卽各散見寺觀內凡逸事異聞世俗競傳之者皆見於雜識涉鄙俚荒謬亦不錄風俗物產非逸事異聞比然無取乎泛常瑣濫以爲鋪張則爲語不多無庸別列二目故著之雜識之首

藝文繫之志末與列於前者互相參證也纂志與集文不同故但以古今爲先後不區別文體敘詩亦然蓋志主乎地不取備文體也雖其地之人而生平所有奏疏論著於地無關者例不當錄官斯土者及今在任一切

士民頌美之辭事涉導諛亦例不當錄又有因事立文
宜與事俱載於志而文或僅以通俗州縣志不妨備錄
府志亦一切贅收之則失體至如司馬溫公撰文潞公
家廟碑廟在洛陽不在介休喬宇觀絛水詩乃平定州
之絛水此類尤不宜溷人以失作者之實凡古蹟非實
題詠無嫌錄之不可爲典要也碑記考序等一篇中雖
有得有失無嫌人自爲說志內已有辨證存其文非取
爲考覈也


地圖及沿革表志中開卷第一事也作圖者少加意精
覈儉視其圖方嚮遠邇茫然不辨名爲有圖不但如無

圖而已且適以滋惑今列圖十有二而府境及八州縣
山川圖先布方格然後按山脈之條貫水流之委曲距
府州縣治之方嚮里數不使或爽至若方隅之觀各州
縣志多有所謂八景十景漫列卷端最爲鄙陋悉汰之
以還雅志內亦不涉及其題詠間取一二



右府城圖






右府治圖





右學宮圖



修復城渠道圖

峪道河



前城寺
北垣

河澗

北馮家庄
文昌閣
南馮家庄
武台

北關

汾州府城
府學
縣學


東關

南關



汾州府全圖 每方五十里





汾陽縣山川圖 每方十五里







平遙縣山川圖


每方十五里






介休縣山川圖
每方十五里





孝義縣山川圖 每方二十里





臨縣山川圖 每方三十里







石樓縣山川圖

每方十五里





永寧州山川圖
每方三十里






寧鄉縣山川圖

每方十五里





漢以來沿革表

漢見魏附晉附見北魏齊隋唐五代宋金元明

汾州府

太原郡西河國西河郡介州之介州武汾州之汾州之汾州領汾州領
之界休領離石太和八介休平德初改西河平西河孝西河孝義介
中都茲熙城中年置治遙清世介休郡遙介休義介休義介休休平遙
氏鄆京陽介休茲氏城熙城永置領介孝義○平遙○平遙○萬歷二
陵○西永興初領熙城安大業休平遙石州領石州領石州領十三年
河郡之劉淵據介休永初改置貞觀初離石平離石方離石寧五月改
中陽阜離石稱安孝昌西河郡省入汾縣方山山孟門鄉○臨置汾州
狼蘭離漢其後二年僑義寧元州○浩定河臨溫泉臨州中統府領汾
石隰成遷於蒲置平陽年復分州之隰泉元符水寧鄉三年改陽介休
土軍西子置幽界而汾置介休城永安二年以○隰州太原府孝義臨
都永和州刺史州移治郡○石武德初臨泉縣之石樓之臨泉平遙靈
五年九鎮焉石西河北州領離改西河隸晉寧縣置○石而永
月西河勒改離周於介石寧鄉郡置浩軍大觀
郡徙治石曰永休置介脩化盧州三年二年又
離石後石郡○州及介山定河改日汾以定河
省入太太原國休郡省不廢太州天寶縣隸焉

原魏黃之京陵汾州入和貞泉初改置○隰州

亦屬焉

原魏黃之京陵汾州入和良泉初改置○隰州
初二年中都鄔焉○吐大業初西河郡之溫泉
復

京郡太改爲離乾元初石樓
平真君石郡○復爲汾
九年置隰州○石
治土軍石樓
城領嶺
東嶺西
孝昌中
陷寄治
西河○
離石鎮
天興初
置北齊
於此置
西汾州
及懷政
郡北周
改州曰
石州郡
泉長壽

亦屬焉
三十二
年沁州
及所領
縣不屬
四十年
以隰州
之石樓
來隸四
十三年
靈石改
隸平陽
府

汾陽縣

茲氏

隰城改什星軍隰城
茲氏置

日離石郡大象中又分置定河窟狐鳥突三郡
○太原郡之郭平通

臨河

隰城上西河
元元年九月改曰西河

西河

西河

汾陽洪武初省西河縣入汾州
萬歷二十三年五月改州為府
倚郭置汾陽縣

○郭太和十九年置

孝

茲氏地中陽永安太永安

永安貞孝義太孝義○孝義至孝義

義

魏移中嘉後省和十七
陽縣於入隰城年分隰
此

觀元年平興國溫泉
改曰孝元年改

元三年

縣

城縣置

義○高曰中陽

割溫泉

孝昌二

唐新城後復為

之半置

年僑置

武德二孝義熙

巡檢司

平陽界

年置○寧五年

溫泉武省入介

德三年休元祐

分新城元年復

縣置貞○溫泉

觀元年

省高唐

新城入

焉

臨縣

蘭皋狼之地

離石地

烏突北太和開太和武臨泉
周大象皇中改德三年
中置烏突日改日臨

臨水改臨泉中臨州洪
臨泉日統二年武
臨水改臨水改州為
日臨泉縣
至元三
年改置
臨州

石樓縣

土軍後廢

嶺西太吐京開石樓○石樓
平真君皇十八長壽臨
九年置年改日河並武
太和二年石樓德元年
十一年析石樓
改日吐縣置貞
京○嶺觀元年
東太平省入焉
真君九年
年置太
和二十
一年改

石樓

石樓

石樓

曰新城

永

寧

州

離石隰離石永
成後並興初陷
省○蘭劉淵
○臯狼

離石鎮離石○離石○離石○
北齊置定胡○定胡貞定胡○
昌化良脩化開觀二年方山
泉二縣皇中改改曰孟
北周改窟胡曰門七年
昌化曰脩化○省八年
離石大盧山大復置定
象中析業中併胡縣○
置定胡入脩化方山貞
窟胡盧○良泉觀十一
山三縣大業三年北徙

年移於三十五
方山改里
名方山
縣

離石○離石中石州省
定胡明統二年離石縣
昌六年省入石入焉隆
改曰孟州三年慶元年
門○方復○孟改曰永
山貞祐門方山寧州
四年徙至元三
於積翠年並省
山入離石

寧

中陽○
西都

離石地

離石鎮

寧鄉

大平夷

平夷

平夷明寧鄉

寧鄉

昌六年

縣 鄉

析置寧入離石
鄉縣大○平夷
象中又
析置平
夷縣

改置寧
鄉縣

分州府志
表

漢書

三

續增志書目錄

新脩

萬壽宮記

重脩汾州府學記

新脩汾陽王廟碑記

汾州府惜字紙會碑記

脩復馬跑泉入城渠道記

原公水非峪道河說

開修黃蘆嶺車路碑記

新脩

萬壽宮記

今直省郡縣所在建設

萬壽宮恭奉

皇上萬歲牌位凡遇元日冬至及

萬壽聖節所司先事埽除潔清屆期文武僚屬黎明齋
邀入陳鹵簿奏廣樂肅拜跪成禮而退凜然天威
不遠咫尺義至嚴而典甚鉅也汾去京師千里計
旬日可達特守土官非循計典及因事調取不得
輒覲

天顏則於此北面稽顙儼天日之臨亦藉展忱悃而昭
恪恭焉宮之建也肇造於康熙己巳迄今歲久陞
垣門屏間不無殘缺剝蝕久而弗治慢孰甚治而
弗整慢又孰甚顧予以爲人臣之事上以恭寧惟
是習待漏之故事與舞蹈之隆文亦將念

聖天子惠安元元寄其責於郡守牧令以爲爾固知一
府之事一州一縣之事者勤恤民隱而不壅於上
聞宣布德意而不格於下逮是卽以敬民事者敬
君事也傳曰不忘恭敬民之主也不忘乎君斯不
忘乎民勤民其敬君之本乎乃者屬有脩學之舉

因議

萬壽宮並時興脩其木石之需工匠之值悉依廟工之例絲毫不以派累仰體

皇上軫念民艱而不敢輕用其財與重勞其力未逾月而聿觀厥成自今俯而趨偃僂而入瞻觚稜而望金闕將所謂進盡忠而退補過者胥於是乎在寧非揭虔昭敬之一端哉抑詩又云夙夜匪懈以事一人夫凜夙夜之義者無時而不心乎君卽無時而不敬乎君朝正賀至其暫也非其常也吾與二三僚屬勉其常而無忽其暫也可

雷汪度

重脩汾州府學記

汾郡學之移建創始於前守郎公踵而成事者劉公閱六十載而前守史公鼎新之迄今又五十餘年矣中間踐履迭更正署非一率皆逆旅傳舍其官而學宮之興廢未或過而問也夫人居處宮室慮風日不蔽猶望後人塗茨垣墉以時苦葺况煌煌聖人之居士林習禮講藝之所聽其傾圯剝落匪特不足以耀文采大觀瞻而

先師之靈爽不安卽守土者之心其何以卽安余以乙未冬蒞治涓吉謁廟顧瞻徘徊見殿堂兩廡之間

木朽石泐旁舍鞠爲茂草慨思繕葺計費數千緡如召聚紳士耆老議捐助非不易於集事顧余方務與民休息不欲以此重煩吾民爰自籌經費擇郡中一二廉幹者董其役汾陽陳令總其成一切物料工匠悉視民價予直以故工不知勞民不知費凡閱五月而告竣其規制視昔無異加以甌壁峻整圯墁增華庶幾妥几筵隆享祀而不傷民之力與財於余心其可以差慰也雖然天下事經始難善後尤難前此五十年史君之脩之也崇閼雕拱危垣文陛盡一時丹雘之觀謂可焜耀數世矣

乃幾何時而頽廢剝落不無藉於後人之增脩潤色設過此數十年而扶植者傾壞補苴者滲漏增新飾舊勢必仍重累吾民不可不爲久遠計也用是詢諸學博舊有學田若干畝檄委汾陽虞尉履畝勘查鈎稽隱匿酌增租額以儲歲脩之資而以其餘稱貸出息又以其餘撥入西河書院廣學舍增膏火計不出十年可收倍息無算學宮之歲脩旣無庸別籌而書院亦藉津潤焉夫古西河實不在汾治書院之以西河名雖近附會然當日卜子夏以文學科設教其風化當無遠不被今於振興

學校之餘更加意儲才育賢之地俾得暢餘波而
廣風厲倘亦吾

夫子所深嘉而樂與者乎廟工之成例得詳書本末因
誌所以不擾吾民之意并及措施善後之方勒諸
貞石以告來者其地畝段落並租額別刻碑陰雷
汪度

新脩汾陽王廟碑記

汾故有唐汾陽王謚忠武郭公廟王之再造唐室
有旋乾轉坤之力補天浴日之功其勦勲在鐘鼎
紀事在史冊而姓名不沒於愚夫野老兒童走卒
之口無俟詳書而殫述已惟茲廟祀之建於汾也
竊有感焉古大臣具文武謨略凡効功著績之所
有恩德及民身雖沒而精靈魂魄無日不往來眷
戀於其地後之人因而歌思慨慕設爲禋祀不絕
如諸葛丞相之祀專於蜀漢前將軍關壯繆之祀
盛於荆南其最著也若王前後奉命赴行在出征

汾州府志
調提孤軍轉戰逐北收兩京宮闕復河南北數十
郡縣忠勤敬歷在兵間之日多迨搆讒解去兵柄
置散地亦未嘗暫離京師是雖封號汾陽而非食
采邑與臨泣之區則汾之人奔走而享祀之或者
王之靈其未必妥於斯乎然考王生平始則領朔
方兵東討矣繼則以朔方軍保河陽矣最後因河
中亂以王爲潞澤沁等州節度行營是時進封汾
陽郡王屯兵絳州汾離絳雖稍遠實并轄於河東
而澤沁與汾壤相接聲援最近其震疊夫王之赫
濯者固不待聞鼙鼓而心驚望旌旄而惕息也王

裨將僕固懷恩屯汾陽縱兵剽掠以王鎮河中始
定懷恩誘吐蕃回紇八寇王度其所領士卒皆故
部曲結恩信素深必不以刃相向後果解散是汾
人之於王不啻父子弟之相親腹心手足之相
衛而王之神固無乎不之其尤必往來眷戀於此
則汾之人之祀王也固宜廟故在城北小相里後
移建南關前人脩葺者屢矣近益荒圯無以障風
日有司歲時致祭率奉行故事餘悉不暇經理也
余奉命來守茲土一切城隍壇壝文武廟既次第
增新因念王之功最大汾人之德王最深使其

妥靈之所不爲葺治心弗安爰偕縣令陳君料量
經費庀材鳩工閱一月而成事殿宇峻整丹雘煒
煌王之神將顧而樂之繼自今過王之廟登其堂
瞻其像慨然思王之樹奇勲於曩日不惟以武勇
稱而以忠誠著異時有文武才出備 國家十城

選亦如王之乃心王室爲良將爲純臣是則王之
佑啓我後人而亦余之所以爲士庶尸祝者豈直
駿奔几筵陳牲薦醴修崇報之令典云爾哉是爲
記 雷汪度

汾州府惜字紙會碑記

軒帝命臣頡造字天雨粟鬼夜哭將兆文字之祥
耶抑懼文字之厄耶鑄之琬琰同景星慶雲之光
華宜爲祥也辱諸泥塗如水火兵革之罹劫何其
厄也夫字之利賴於世無論鄉國俊彥操觚翰爲
文章博知遇而梯榮顯卽推而至於官府告令簿
牒之繁農工貿易券約之設統智愚貴賤而咸賴
其爲功豈不甚鉅顧或簡棄之穢褻之則天降之
罰明神示之殛感應之說彰彰如是烏得不敬且
畏哉女之蠶而織也寸絲尺帛固不靳惜孰敢毀

而裂也農之力而耕也半菽粒米皆所珍愛孰敢唾而棄也無他衣食之源生民之命無俟督責教誠而民知儆懼也況乎文字之興與布帛菽粟同功而寶惜愛護轉不如饑寒凍餓之切毋乃舛甚士人誦習詩書稍知識字誠於殘瀋剩墨一如農夫紅女之不敢毀裂而唾棄則卽此惜字一舉庶亦徵敬畏之一端歟汾故有惜字會創於前署守劉公設局郡城隍廟責令住持僧董其事官斯土者與紳士按月分別捐貲爲收買費並置地畝爲住持工贍意良厚而立法未周始未嘗不踴躍趨

赴迨遲久而因循怠廢余莅任見汾俗殘棄字紙
委溝渠裹什物糊棚補壁種種褻越怵然驚心議
復前舉適署令李君端黼有同志預籌經費生息
陳君訓亦適差竣旋任共襄厥事仍令廟中住持
收買檄委經歷朱乾按季秤收隨時焚化計息錢
所入可歲買字紙七千餘劬若旁邑聞風興起爭
購入局買費不敷陸續再爲籌補總期紙之交局
源源不絕息之交官生生不窮事可久遠遵行費
復無庸勾貸較前之議捐時興而時廢者相懸殊
絕也夫以廢棄之物供貧民貿鬻之資敬惜之中

兼示撫恤毋亦守土者所宜加意若世俗所云積
善行者獲美報藉以覬覦邀福是有所爲而爲善
非區區之用心已

雷汪度

脩復馬跑泉入城渠道記

汾晉多山而少水其崇岡突阜土燥石堅間有平曠攬雜砂磧非如東南澤國水泉疏衍畎澮縱橫可盡灌輸之利至建置城郭處有雉堞之雄而少深溝之固此其地脈土性伊古而然然有山必有泉坤輿清淑之氣鬱積磅礴溢爲神瀆泄爲靈液天固將以利斯民而因利而利則在乎守土者之斷而弗惑與司事者之勤而罔懈夫利苟可垂之久遠雖莫爲之前猶不難創始况明明有前事之師一經脩復事半功倍亦何疑何憚而不爲也府

治西北有馬跑神泉前明正統時奏准疏引萬歷
十九年觀察王公重加疏濬更引向陽上林諸泉
合流助勢三分其一注於城塹瀝於泮池餘則留
溉民田俾無缺水此官民渠之所由分也迨後廢
不治以致堰崩槽壞渠道漸淤蓋水之不入城者
百有餘年矣夫水泉之疏通猶人身之血脈周貫
其宣洩之則舒和而諧暢而壅隔之則鬱塞而閉
滯近日汾之士民少和樂之氣蓋亦由此余履任
以來城垣壇廟節次興修而尤加意於澤宮造士
書院育才之地因念渠之興廢士風民氣攸關慨

然復古以百餘年墮壞不振之舉一旦思奮於力
殫財匱之時誠亦知其難也然守土者於興利除
弊之事不爲其難孰爲其易爰檢閱誌乘搜剔碑
記適里民趙永康等具詞一再陳請縣令陳君與
余同志而縣尉虞君素能事飭委經理其分水處
所有石閘可據入城故道有踪跡可稽間有坡澗
高下勢難順流相度地形改濬渠路募夫分段修
築城關內外一律疏通俱官予其直無絲毫派累
經始於春仲竣工於八月旣望時際霜降水落而
飛泉噴湧奔趨三十餘里蜿蜒屈曲歷城闔達閩

閭閻黌宮汾之父老咸鼓舞欣忭以爲數十百年
未有斯沾濡洒濯之樂也亦可知是舉之順民情
因地利而非漫爲興作已渠旣成爲設渠長酌善
後經費並繪圖於碑陰俾後來者踵而增修庶可
垂千百年之久而弗歎興廢之靡常也易曰兌爲
澤澤以說物又曰巽爲風屬木而與離火相次木
火通明得巽風而發今渠道由西北兌位而趨東
南收聚巽氣名曰通巽渠巽時興賢育才文明丕
煥所獲有倍於禾麻黍稷之盛而非直爲日用飲
食之需者區區之心有厚望焉

雷注度

原公水非峪道河說

原公水之稱馬跑泉或以北魏賀魯將軍得名或以七國時原過得名代遠蹟湮無庸深考唯以馬跑泉卽呼峪道河其譌不可不辨馬跑發源於白彪山離城四十餘里其分水處亦離城三十里而峪道河在趙金庄之下金井以上誌稱有閘泉湧出在城北賈家庄八里而近其不能逕流而上與馬跑同源明甚渠之入城奏准於前明正統脩濬於萬歷辛卯前人碑記止稱西北諸泉若上林向陽並疏引合流助勢不聞更引峪道河之水并達

城濠也按驗圖說馬跑起於城之西北而趨東南
峪道河則在城之稍北而趨南其迤邐曲折轉西
而復東北瀝達文水此則支流派衍之合而非尋
源發脈之同也今分馬跑十之三經趙庄村白草
坡而下進城之西關分十之七經桑溝村下金庄
諸堡灌溉及於羅城金井是峪道河乃分食馬跑
之水而並非官渠分峪道河之水前脩乘誌於原
公水之下既分列峪道河一條而中又云原公水
俗呼峪道河音牙看復云春初秋末農事不舉引
三之一入城過時則聽農民灌溉竟以官渠所分

馬跑泉之水轉若民間私據之水暫借官爲引用
夫以官渠所過之趙庄村馮家堡而下向無涓滴
較之峪道河諸村專享七分之利已屬彼盈而此
絀若再影射以便私圖匪獨偏枯向隅而於水泉
之源流不分亦烏足信今而傳後茲余脩復故渠
引水入城爲汾郡士民疏通氣脈培植文風恐來
者瞽惑無稽使豪強復遂兼并之欲而渠道不復
經理因著辨而鉞諸梓俾得以詳覈焉

雷汪度

開修黃巖廬嶺車路碑記

夫民爲邦本食爲民天稻黍稷麥菽所以立生民之大命也然而土地有廣狹人民有衆寡產穀有盈縮責賦欲流通其間不致有此絀彼盈之患則又資乎商販轉運而轉運之法水以舟陸以車此大較也西北多山少水則於車宜至於車輓所窮則又濟以馱運夫馱運之與車載其多寡難易相去較然已故爲民食計必先通其行運之路除高崖巨壁深溝激澗萬無可通則已若間有陂陀犖确人力可施及前已開而後經阻塞則在乎司事

者隨時經畫不遺餘力事雖創而實善於因便民之法莫急於此汾屬永寧州之磧口毗連陝省且通邊外歸綏一帶商人遠販粟麥裝載皮船自黃河順流而下聚集其地汾郡屬邑并太原平陽諸處俱資其濟但汾永交界有黃蘆嶺橫亘其間羊腸盤結間不容軌僅藉牲畜馱運爲數無多而囤積之處徒患壅滯余因公赴永道出黃蘆嶺詢知鄉通軌道不知何時斷塞隨檄委冀村柳林兩巡檢分路確查何處可以增修何處必須更易自黃蘆嶺東至汾西至永各若干里丈谷若干步應用

夫匠名數廿石千僱值銀數若干悉心勘估繪貼圖說隨酌籌經費檄飭汾陽蔡令永寧方牧督率開修經始於壬子春終仲夏凡三閱月先後報竣其自州治至磧口尙百餘里臨永兩屬犬牙相錯石路崎嶇方思有以闢之適州學生陳秉謙愿捐承辦余嘉其好義卽允所請另委妥員督理其事今亦一律修整平坦自此軌轍通行商賈輻輳旣無居奇之弊亦無糴貴之虞此余自蒞任以來所時時厯念茲得刻期歲事且毫無派累於民而民已獲益區區之心藉用少慰至善後之策歲修之資現

同牧令等至細酌商明立規條俾永遠遵行不致
中阻康莊無道百世利賴焉可也工竣之日宜勒
石以垂永久一立黃蘆嶺一立磧口鎮其設落步
數及工匠價值與一切善後事宜別刻碑陰

汾州府志卷之一

沿革

府境於禹貢屬冀州。周職方氏蓋屬并州。

禹貢冀州。河行其西。界乎雍冀之間。南流爲西河。至華陰屈東。界冀與豫之間。爲南河。古黃河自大伾山西南折而北。界冀充之間。爲東河。爾雅釋地。兩河間曰冀州。舉西河東河言之者也。周禮職方氏。河內曰冀州。正北曰并州。馬鄭注虞夏書。肇十有二州。並云舜以冀州北廣大。分置并州。

春秋時晉地。

古地名之見左氏春秋及國語禮記者曰隨曰鄆曰九原並晉地。

隨今介休縣東境晉士會食邑前此魯隱公五年翼侯奔隨蓋奔於姜戎境後乃爲晉有又前此晉穆侯時千畷之戰卽國語宣王三十九年戰於千畷王師敗績於姜氏之戎是也杜元凱春秋經傳集解云西河界休縣南有地名千畷。

鄆今介休縣東北境魯昭公二十八年晉魏獻子爲政分祁氏之田以爲七縣司馬彌牟爲鄆大夫。

九原漢爲京陵縣地今平遙縣也晉卿大夫墓所在。

無遺蹟可考。酈道元水經注云。侯甲水西北流逕祁縣故城南。又西逕京陵縣故城北。於春秋爲九原之地也。國語。趙文子與叔向遊於九原。曰。死者若可作也。吾誰與歸。叔向曰。其陽子乎。文子曰。夫陽子行廉直於晉國。不免其身。智不足稱。叔向曰。其舅犯乎。文子曰。夫舅犯見利而不顧其君。其仁不足稱。吾其隨會乎。納諫不忘其師。言身不失其友。事君不援而進。不阿而退。其京尙存。漢興增陵於其下。故曰京陵焉。今案絳州北二十里有九原山。和順縣西北五里又有九原山。忻州西有九原岡。地志皆援國語禮記之

文考漢增陵事。因左氏春秋其處者爲劉氏而推本於士會。漢猶近古。以士會之葬在此。或未盡無稽。且與士會之食邑在隨地相比近。則趙文子與叔向所遊宜繫之此矣。明一統志引城塚記云。京陵城。周宣王北伐時築。此徒傳合小雅薄伐玁狁。至於太原而爲是說。水地記圖注曰。玁狁入寇。由焦穫鎬方而至涇陽。王師逐之。當由涇陽追至太原。仍軍於鎬。平定後乃歸。故下云來歸自鎬。我行永久。涇陽漢爲安定郡。朝那涇陽之地。今平涼府平涼縣也。在周京西北六百餘里。而焦穫鎬方又在其外。太原又在焦穫之

外或以爲今固原州。以地望考之不遠。州在平涼府西北百七十里。焦穫鎬方三地。宜在此百餘里間。孔沖遠以郭璞爾雅注池陽之瓠中。當此詩焦穫。是直逼周京矣。非也。自宋而後。更以晉太原爲此詩所云太原者。不察二地相距東西千有餘里。顧炎武日知錄云。國語宣王料民於太原。以其地近邊而爲禦戎之備。必不料之於晉國。漢書賈捐之言。秦地南不過閩越。北不過太原。若晉陽之太原。則其外有鴈門雲中九原。不得云不過也。顧氏援國語及賈捐之言。據證詳審。周宣王北征之蹟。無由在平遙縣甚明。然春

秋昭公元年晉荀吳帥師敗狄于太鹵晉攘地始北至太原宣王時非晉境也晉國字蓋偶失檢

七國時屬趙

古地名之見於戰國策史記者曰臯狼曰藺曰離石皆趙邑

臯狼今永寧州西北及臨縣之境戰國策知伯使人之趙請蔡臯狼之地趙襄子弗與語轉字異亦曰郭狼武靈王召樓緩謀曰我先王取藺郭狼知伯所請蔡臯狼卽武靈王稱藺郭狼者藺字轉寫訛作蔡臯郭語之轉耳

藺今永寧州西及臨縣之南境離石卽永寧州境史記趙世家成侯三年當魏武侯之十五年魏敗我藺魏世家作敗趙北藺張守節云在石州趙之西北是也二十四年當秦孝公之十一年秦攻我藺肅侯二十二年當秦惠文君之十年秦取我藺離石武靈王十三年當秦惠文君改元之十二年秦拔我藺六國表作擊藺陽而戰國策秦攻趙藺離石祁拔鄭朱對秦王曰夫藺離石祁之地遠於趙而近於大國其事與秦伐趙攻闕與相連屬趙奢破秦軍闕與下在趙惠文王二十九年秦昭王三十七年蓋邊邑時失時

復靡常也。

秦莊襄王三年初置太原郡。

史記秦本紀莊襄王二年使蒙驁攻趙定太原三年攻趙榆次新城狼孟取三十七城初置太原郡張守節云上黨以北皆太原地卽上三十七城也。

漢初項羽徙魏王豹爲西魏王高帝三年定魏地置太原郡元朔四年更置西河郡皆屬并州刺史部今府境在太原郡之西南西河郡之東南而太原治晉陽西河治平定與府界相去各遠。

漢書地理志并州太原郡領縣二十一在今府境者

茲氏京陵中都鄆界休茲氏今汾陽縣境京陵今平遙縣東境中都平遙縣西北境鄆今介休縣東北境界休卽今介休縣境晉書始改界爲介漢之平陶縣治在今文水縣非府境西河郡領縣三十六在府境者土軍隰城離石藺臯狼土軍今石樓縣境隰城今永寧州西南境離石藺臯狼今永寧州及臨縣境又漢之中陽西都宜在永寧州及寧鄉縣之間然無可證實矣

史記高帝本紀十一年立子恆以爲代王都晉陽而文帝本紀及諸侯年表陳豨列傳並云都中都文帝

三年幸太原復晉陽中都民三歲租如淳以爲遷都於中都其說是也又文帝二年立子武爲代王四年徙爲淮陽王而太原王參徙爲代王復併得太原都晉陽如故以是時代王本都中都太原王本都晉陽參雖徙封代不徙都也水經注云侯甲水西逕京陵縣故城北又西北逕中都縣故城南春秋昭公二年晉侯執陳無宇於中都者也今案杜元凱春秋經傳集解中都在西河界休縣東南此卽道元所本唐魏王泰括地志中都故城在汾州平遙縣西北十二里以水經注地望考之適合其爲漢舊縣無疑明一統

志中都城在介休縣東北五十里介休之東北卽平遙之西北也杜氏言界休東南或轉寫之訛榆次縣東十五里亦有中都城蓋北魏之中都縣地形志中都有榆次城壽陽城平譚城榆次壽陽今仍爲縣平譚在今平定州西北二十五里是北魏中都與漢中都遠隔地志諸書不辨皆謂文帝爲代王所都非也又皆實以執陳無宇事考陳無宇送女致少姜晉侯謂陳無宇非卿執諸中都蓋於在途執之不使終禮平遙榆次非當日齊晉往來所經水經注沁水東逕中都亭南左合界溝水水上承光溝東南流又南逕

中都亭西而南流注於沁水。地在野王縣。今爲河南懷慶府河內縣。自齊適晉。道出於彼。然則執陳無宇在彼。不在此。後人踵元凱之謬。遂不復精覈矣。

水經注。離石水南流。逕離石縣故城西。又南出西轉。逕隰成縣故城南。其水西流。注於河。據此。則漢之隰成縣。遠在離石水之西。而顧祖禹讀史方輿紀要云。隰城故城。府西七十里。漢縣。又引或云。三國魏省隰城入茲氏。皆非也。後漢郡國志已無隰城。當省入離石。去茲氏則遠。不得越離石而省入茲氏。晉始改成爲城。所言在府西七十里者。今亦無可考。

東觀記西河郡治平定縣。唐李吉甫元和郡縣圖志漢武帝元朔四年置西河郡。理富昌縣。吉甫蓋因地理志首列富昌故云。然後漢書始云。凡縣名先書者郡所治也。孟堅作志未有斯例。閻百詩潛邱劄記曾論之。如梁國先書碭而治睢陽。汝南郡先書平輿而治上蔡。是也。百詩於西河郡亦從元和志。則偶失檢耳。後漢書光武帝紀建武十年省定襄郡徙其民於西河。是時下距西河郡南徙凡百有三年。而太子賢注云。今石州離石縣誤也。

及永和五年九月以匈奴寇掠於是西河郡南徙五百

九里治離石。始在今府之西北境。

永和五年。上距元朔四年。凡二百六十五年。後漢書郡國志。并州刺史部太原郡。領十六城。在府境者如故西河郡。領十三城。在府境者。離石。藺。臯。狼。而無土軍。隰。成。從併省也。

後漢書順帝紀。永和五年九月丁亥。徙西河郡居離石。東觀記。西河郡治平定縣。離石在郡南五百九里。永和五年。以匈奴寇掠。徙郡離石。

建安中。省西河郡入太原。魏黃初二年。分太原之四縣置西河郡。仍治離石。

獻帝起居注。建安十八年三月庚寅。省州併郡。復禹貢之九州。晉書地理志。并州。建安十八年省入冀州。魏黃初元年復置并州。自陘嶺以北並棄之。

黃初二年。上距永和五年。凡八十二年。水地記圖注曰。水經。原公水出茲氏縣西羊頭山。酈道元注云。縣故秦置也。魏黃初二年。西河恭王司馬子盛廟碑文云。西河舊處山林。漢末擾攘。百姓失所。魏興更開疆宇。分割太原四縣以爲邦邑。其郡帶山側塞矣。王以咸寧四年改命爵土。其年十二月喪國。臣太農閭崇離石令宗羣等二百三十四人。刊石立碑。以述勲德。

碑北廟基尙存也。今案晉書西河繆王斌字子政。魏中郎。武帝受禪。封陳王。三年。改封西河。咸寧四年薨。子隱立。謚字與水經注微異。武帝紀。泰始元年十二月丁卯。封皇叔父斌爲陳王。咸寧三年八月癸亥。徙陳王斌爲西河王。四年十二月乙未。西河王斌薨。而碑文稱咸寧四年改命爵土。豈其就徙封之國在四年。不復推本言之歟。水經注以碑繫之。魏黃初二年。莫識其故。元和志云。魏黃初二年。乃於漢茲氏置西河郡。然則黃初二年實魏置西河郡之始。廟碑必有記置郡所起者。或碑文殘闕。上存黃初二年字。道元

未深察遂以碑繫於是年非也。自黃初二年下至晉咸寧四年凡五十八年。又二百七年爲北魏太和八年。西河郡始治茲氏城。吉甫因水經注西河王廟碑在茲氏。又繫之魏黃初。遂以爲是時卽置郡茲氏。亦非也。司馬斌葬茲氏。故有廟碑在此。其國仍都離石。晉書地理志。西河郡領縣四。首離石。蓋魏晉相承皆因漢永和三年以來郡治之舊。碑文言其郡帶山側塞。宜爲離石而非茲氏。甚明。况碑末稱離石令宗羣等以該餘三縣。魏晉之西河郡未嘗移治茲氏。非單文孤證矣。

晉仍魏之舊

晉書地理志并州太原國領縣十三在今府境者京陵中都鄆西河國領離石隰城中陽介休四縣並今府境水經河水篇南過西河圍陽縣東又南過中陽縣西又南過土軍縣西酈道元云中陽故城在東東翼汾水隔越重山不濱於河也道元所謂中陽故城當爲魏之中陽縣水經之中陽蓋漢縣之舊許叔重說文解字云馮水出西河中陽縣之西南入河然則漢中陽縣濱河明矣史記趙世家武靈王十年秦取我西都及中陽秦本紀及六國表作取趙中都西陽

轉寫訛誤也。二地同時被兵，宜相去不遠，皆在離石之南。土軍之北，於今寧鄉縣境近之，但無可證實耳。是時秦趙相攻，秦在河西，趙在河東，秦雖越河擊趙之藺離石中陽西都，然旋得旋失，趙守險以禦秦，全恃此。其距秦拔榆次晉陽，尚隔七十餘年，則趙之中陽卽漢中陽縣，爲濱河邊邑可知。張守節引括地志云：中都故縣在汾州平遙縣西，卽西都也。西陽卽中陽也，在汾州隰城縣南。此所言隰城縣南之中陽，正道元所稱東翼汾水不濱於河者，不可以釋趙中陽水經注。文水逕茲氏縣故城東，爲文湖，又東南逕中

陽縣故城東勝水東逕六壁城南又東逕中陽故城南又東合文水元和郡縣圖志於孝義縣下云魏移西河郡中陽於今理永嘉後省入隰城吉甫詳中陽爲三國魏移置是漢中陽與魏晉實兩地其所本之書道元殆偶失檢歟張守節以平遙縣西之中都卽西都尤謬漢書地理志中都屬太原郡中陽西都屬西河郡不得溷而一之

永興初匈奴左部帥劉淵據離石稱漢寇太原中都尋遷蒲子置幽州刺史鎮離石其後地入石勒而符健慕容儁符堅慕容垂迭有其地勒改離石爲永石郡

晉書惠帝紀永興元年八月匈奴左賢王劉元海反於離石自號大單于十一月劉元海僭號漢王永嘉元年三月并州諸郡爲劉元海所陷刺史劉琨獨保晉陽二年十月劉元海僭帝號於平陽載記永興元年元海遣其建武將軍劉曜寇太原泝氏屯留長子中都皆陷之地理志永興元年劉元海僭號於平陽稱漢於是并州之地皆爲元海所有元海乃以幽州刺史鎮離石今案劉淵始稱大單于在離石尋稱漢王在離石之左國城皆永興元年事其僭號於平陽乃永嘉二年事凡五年間名號三易志約畧其辭繫

之永興元年疎矣。時并州刺史劉琨拒守晉陽。永嘉六年淵寇晉陽。琨保於陽曲。後劉曜置并州於蒲坂。而晉并州石勒始有其地。志言并州皆爲元海所有。亦謬。

愍帝紀。建興四年十一月。石勒圍樂平。司空劉琨遣兵援之。爲勒所敗。司空長史李宏以并州叛降於勒。元帝紀。太興二年十一月。石勒僭卽王位。國號趙。載記。太興二年。勒僞稱趙王。尋討鮮卑鬱弼於離石。悉降其衆。城地理志。自惠懷之間。離石縣荒廢。勒於其處置永石郡。今案勒徙并州。置上黨。魏書地形志云。

并州漢晉治晉陽晉末治臺壁是也。

自石勒之後符氏慕容氏彼此相繼干戈擾攘其互有并州諸郡也符健值晉永和中慕容儁值晉升平二年符堅值晉太和五年慕容垂值晉太元中迨北魏皇始元年值晉太元二十年慕容垂卒九月魏軍次陽曲并州牧慕容農棄城夜遁魏軍畧地晉川獲慕容買得等於平陶城由是并州入於北魏上距永興元年凡九十二年。

北魏天興初置離石鎮延和三年置吐京鎮太平真君九年置吐京郡治漢之土軍故城太和八年置西河郡。

治茲氏城是爲西河郡治在茲氏之始西河吐京二郡並屬吐京鎮十二年改鎮爲汾州汾州之名自是始矣而汾州治蒲子城非今府境

太和八年上距漢永和五年凡三百四十五年魏書地形志并州太原郡領縣十在府境者平遙鄆汾州統郡四在府境者西河郡領隰城介休永安三縣永安析隰城置吐京郡領新城吐京二縣吐京卽土軍語轉字異也

孝昌中汾州移治西河是爲汾州治在西河之始而西河郡則僞置平陽界不復在此永安中置顯州治六壁

城兼置定戎郡治瓜城置建平郡州治也其西河郡在平陽界者亦廢所領之隰城介休又僑置汲郡界中東魏天平中置真君郡治東多城亦屬於顯州興和中置寧州治介休城武定四年置武昌郡治團城置武康郡治東多城而武昌屬顯州武康屬寧州外此僑置之州郡尤名實交錯齊天保七年詔文有云百室之邑便立州名三戶之民虛張郡目循名督實事歸烏有正謂此也。

魏書地形志晉州有西河郡領永安隰城介休三縣於郡下云舊汾州西河民孝昌二年爲賊所破遂居

汾州府志卷一
平陽界還置郡。隋書地理志：臨汾有後魏永安縣，開皇初改爲西河。大業初省，其故縣在今洪洞縣西南三十里。卽孝昌二年西河郡所僑置也。及永安中，隰城介休又僑置於汲郡界，而舊汾州不復有西河郡及所領之三縣矣。地形志言還置郡，非也。還字或僑字之訛。

孝昌中，汾州移治，其所屬吐京、五城、定陽三郡並寄治西河。五城郡治五城縣，本在今吉州北。定陽郡治定陽縣，卽今吉州治。又是時改薄骨律鎮置靈州，後陷。天平中復置，寄治隰城縣界，置南朔州於介休城。

不統郡縣。前此永安中，改懷荒禦爨二鎮置蔚州，亦寄治鄆縣界。魏書地形志：顯州統定戎、建平、真君、武昌四郡。靈州郡縣闕。寧州統武康、靈武。初平、武定四郡。蔚州統始昌、忠義、附恩三郡。元和志云：介休縣，後魏明帝時爲賊所破，至孝靜帝更修築，遷朔州軍人鎮之，因立爲南朔州，但領軍人，不領郡縣。其介休縣仍屬汾州。今案永安中，隰城、介休、僞置隸五城郡，屬司州。天平中，屬北豫州。武定五年，屬義州。義州本興和二年所置，治汲郡陳城，在今河南衛輝府汲縣界。然則元和志云：介休縣仍屬汾州者，是時汾州無介

休縣舊介休縣之地乃寧州及寄治之蔚州也吉甫
偶疎於考

東魏別置南汾州統北吐京西五城南吐京西定陽
定陽北鄉五城中陽龍門九郡隋書地理志文城郡
東魏置南汾州後周改爲汾州後齊爲西汾州後周
平齊置總管府開皇四年府廢十六年改爲耿州後
復爲汾州其地在今吉州非府境

梁所置南朔州治齊坂城者爲北魏所取見地形志
與此遷朔州軍人鎮介休縣因名南朔州兩不相蒙
北齊於離石置懷政郡又置西汾州是時西河郡蓋復

其故北周建德五年取齊汾并諸州周置介休郡又置介州省齊之汾州入焉而改西汾州爲石州懷政郡爲離石郡大象中於離石置定胡窟胡烏突三郡

自魏分爲二齊承東魏周承西魏而周卒平齊其詳無地志可考隋書地理志西河郡下云後魏置汾州後齊置南朔州後周改曰介州介休縣下云後魏置定陽郡後周改郡曰介休離石郡下云後齊置西汾州後周改爲石州離石縣下云後齊置懷政郡後周改曰離石郡修化縣下云後周置窟胡郡定胡縣下云後周置定胡郡太和縣下云後周置烏突郡元和

志介休縣下云周武帝省南朔州今案隋書以南朔州爲齊置又與介州並於西河郡下言之元和志以南朔州繫之魏孝靜其置南朔州也在介休縣但領軍人視隋志爲覈其汾州下溷稱高齊又於此城置南朔州謬同隋志

隋志以魏置定陽郡繫之介休今案魏末之介休孝昌中僑置平陽界永安中僑置汲郡界此地不復有介休縣而魏之定陽郡領平昌西五城二縣乃興和四年置屬晉州卽隋志臨汾下所言有東魏西河敷城伍城北伍城定陽等五郡後周廢爲西河定陽二

郡者其地在今臨汾縣非介休於臨汾介休兩言之
自相矛盾矣

西魏別置汾州在今陝西延安府宜川縣北周之汾
州在今吉州而廢孝昌中移治西河之汾州其郡縣
屬介州汾州介州之於南朔州有領郡縣不領郡縣
之殊不得云改南朔州爲介州隋志之言亦疎

隋開皇初郡廢州如故大業初復置西河離石二郡今
府境兼有龍泉郡之石樓縣其郡治非府境義寧元年
分西河置介休郡

隨書地理志西河郡領縣六其四在今府境隰城介

休永安平遙龍泉郡領縣五在府境者石樓一縣石樓卽吐京離石郡領離石修化定胡平夷太和五縣並今府境修化卽窟胡太和卽烏突其隋開皇十六年所置汾州十八年改爲呂州者在今霍州非府境元和志介休縣下云義寧元年於縣置介休郡舊唐書繫之唐義旗初隋恭帝義寧卽唐義旗初也

唐武德元年以介休郡爲介州西河郡爲涪州離石郡爲石州而龍泉郡改爲隰州州治非今府境二年於石樓縣置西德州方山縣置方州三年廢方州改涪州爲汾州於定胡縣置西定州太和縣置北和州新城縣東

南四十五里。置北隰州。貞觀元年省介州。西德州北隰州。二年省西定州。三年省北和州。天寶元年改汾州爲西河郡。石州爲昌化郡。乾元元年復爲汾州。石州。汾。石隰三州並屬河東道。

舊唐書地理志。汾州。隋西河郡。義旗初。領隰城。介休。孝義。平遙四縣。其年割介休。平遙二縣屬介休郡。武德元年。以介休郡爲介州。西河郡爲浩州。三年改浩州爲汾州。仍割并州之文水縣來屬。貞觀元年省介州。以介休。平遙來屬文水。還并州。十七年以廢呂州之靈石來屬。天寶元年改爲西河郡。乾元元年復爲

汾州舊領縣四。天寶領縣五。隰州石樓。武德二年於縣置西德州。領長壽臨河石樓三縣。貞觀元年廢西德州。省長壽臨河二縣。以石樓屬東和州。二年又省東和州。以石樓來屬石州。隋離石郡。武德元年改爲石州。五年置總管府。貞觀二年廢。三年復置都督。六年又廢。天寶元年改爲昌化郡。乾元元年復爲石州。定胡。武德三年置西定州。貞觀三年廢。方山。武德二年置方州。三年州廢。唐書地理志。河東道汾州。領縣五。在今府境者。西河孝義介休平遙四縣。西河卽隰城。孝義卽永安。石州領離石平夷定胡臨泉方山五。

縣並今府境。臨泉卽太和。隰州領縣六。在府境者石樓、溫泉二縣。溫泉武德三年分新城置。

五代時後唐晉漢東漢迭有其地。周顯德初汾州防禦使來附。因置寧化軍。兼統石沁二州。旋入東漢。

五代史周本紀。顯德元年四月乙卯。汾州防禦使董希顏叛於漢來附。壬戌取石沁州。今府境於五代時蓋承唐舊制。爲汾州石州及隰州之石樓縣。

宋初革五季諸鎮節度之患。命朝臣出守列郡。號權知軍州事。其後文武官參爲知州軍事。二品以上及帶中書樞密院宣徽使職事。稱判其州軍。而汾州兼西河郡。

軍事。後又改汾陽軍事。史不詳起自何年。石州兼昌化郡軍事。又帶嵐石隰三州都巡檢使。元符二年。以石州之臨泉縣隸晉寧軍。大觀二年。復以定胡縣隸焉。而晉寧軍本葭蘆川寨。改置在今陝西榆林府葭州。非府境。汾石隰三州及晉寧軍。並屬河東路。

宋史地理志。河東路。汾州。西河郡軍事。領縣五。其四在今府境。西河。平遙。介休。孝義。石州。昌化郡軍事。領離石。平夷。方山三縣。並今府境。隰州。太寧郡團鍊。領縣六。在府境者。石樓一縣。晉寧軍領縣二。定胡。臨泉二縣。並今府境。靖康後。地入於金。

金大會六年。當宋建炎之二年。置汾陽軍節度使。後又置河東南北路提刑司。汾石二州屬河東北路。隰州屬河東南路。

金史地理志。河東北路。汾州領縣五。其四在今府境。西河。孝義。介休。平遙。石州領縣六。在府境者。離石。方山。孟門。臨泉。寧鄉。五縣。孟門。卽定胡。寧鄉。卽平夷。河東南路。隰州領縣六。在府境者。石樓。一縣。定興。後地入於元。案汾陽軍之名。宋宣和以前已有之。元史地理志。謂汾陽軍起於金。非也。

元初立汾州。元帥府。至元三年。以臨泉爲臨州。汾石臨

汾州府志卷一
三州屬冀寧路。隰州屬晉寧路。並河東山西道肅政廉訪司所轄。

元史地理志。冀寧路。汾州領西河孝義平遙介休四縣。石州領離石寧鄉二縣。臨州不領縣。並今府境。晉寧路。隰州領縣五。在府境者石樓一縣。

明洪武二年。臨州改爲縣。隆慶元年。改石州曰永寧。萬曆二十三年五月。改汾州爲府。屬山西承宣布政使司。又設冀南道駐此。

明史地理志。汾州。洪武九年。直隸布政司。萬曆二十三年五月。升爲府。臨州。洪武二年。降爲縣。萬曆二十

三年五月來屬永寧。元石州隆慶元年更名領縣一。
寧鄉。萬歷二十三年五月來屬沁州。洪武九年直隸
布政司。領縣二。沁源武鄉。萬歷二十三年五月改屬。
三十二年仍直隸布政司。石樓。元屬隰州。萬歷四十
年改屬靈石。元屬霍州。萬歷二十三年五月改屬。四
十三年屬平陽府。

國朝以寧鄉縣隸於府。而永寧州不領縣。

府所領一州七縣。東四屬夾翼汾川。爲漢之太原郡
境。西四屬瀕界黃河。爲漢之西河郡境。

汾陽縣。本漢茲氏縣。晉徙漢之隰成縣置於此。更成爲

城省茲氏入焉。北魏太延中，改爲什星軍。太和八年，復爲隰城縣。又置西河郡，治茲氏城。孝昌二年，僞置平陽界。而汾州移治西河。永安中，又僞置汲郡界。北齊天保七年，併省魏末浮置之州郡縣鎮戍。是時西河郡縣宜復其舊。而史文闕失。隋初隰城縣爲西河郡治，屬介州。蓋北周以來相承如故也。唐上元元年九月，改縣曰西河。明初省縣入汾州。萬歷二十三年五月，改州爲府，倚郭置汾陽縣，以後仍而不改。

漢書地理志：太原郡茲氏。晉書地理志：西河國隰城。魏書地形志：西河郡隰城。太延中改爲什星軍。太和

八年復元和郡縣圖志汾州西河縣本漢茲氏縣也
晉改茲氏爲隰城縣上元元年改爲西河縣舊唐書
地理志上元元年九月改爲西河縣明史地理志汾
州府汾陽元曰西河洪武初省入州萬歷二十三年
五月復置更名

自唐上元元年以後至明初凡五百餘年此地名西
河縣縣之名本因於郡西河郡之設其初在河西故
劉熙釋名云西河在河水西也凡二百六十五年而
南徙五百九里治離石凡六百有九年而徙治茲氏
治雖再遷郡名不改凡八百八十五年而縣名亦因

之起地志援子夏居西河及吳起爲西河守以實之
考秦本紀惠文君六年魏納陰晉陰晉今華陰縣也
八年魏納河西地六國表作與秦河西地少梁十年
魏納上郡十五縣魏世家作盡入上郡於秦前此秦
魏之界張守節云魏築長城界秦自華州鄭縣以北
濱洛至慶州洛源縣白於山卽東北至勝州稠陽縣
東至河西是也今陝西華陰縣西二里蒲城縣東五
十里鄜州西南四里綏德州西十五里皆有魏長城
遺蹟然則魏未失陰晉少梁以前其疆土在河西者
南至華陰西至洛水北至今榆林府之北而趙西北

邊邑藺離石與魏鄰不與秦鄰故趙成侯三年當秦
獻公十三年魏武侯十五年趙世家云魏敗趙藺及
秦孝公八年與魏戰取少梁越五年爲秦孝公十一
年趙成侯二十四年趙世家始云秦攻我藺其後趙
武靈王十九年召樓緩謀曰西有林胡樓煩秦韓之
邊是時魏之西河上郡及曲沃平周俱失於秦趙西
境直與秦接不復鄰魏矣方文侯武侯之時魏都安
邑據有河西地而吳起爲西河守以拒秦韓秦兵不
敢東鄉韓趙賓從史記武侯浮西河而下中流顧而
謂吳起曰美哉乎山河之固此魏國之寶也蓋古所

稱西河未嘗以名郡縣西河守亦非如後世之郡守特舉龍門西河該河之左右諸城水經注以浮河事繫之夏陽子夏陵及廟室繫之邵陽並於安邑不遠秦孝公八年以前西河濱洛之地悉魏境後人不察唐上元初所名之西河縣始終爲趙地而謬摭魏事由其迷於當時秦趙魏之疆域界畫是以輾轉滋惑至如左氏春秋昭公十三年叔魚見季孫曰鮒也聞諸吏將爲子除館於西河杜元凱經傳集解云西使近河史記趙惠文王二年主父行新地遂出代西遇樓煩王於西河而致其兵當在今寧武府偏關之外

二十年趙惠文王與秦昭王遇西河外在今河南澠池縣西漢高帝二年韓信擊魏伏兵從夏陽以木罌餽渡軍襲安邑而廣武君曰今將軍涉西河虜魏王張守節云卽同州龍門河從夏陽渡者孔叢猗頓適西河大畜牛羊於猗氏之南猗氏故城在今蒲州府猗氏縣南十里靈帝中平五年黃巾餘黨郭大等起於西河白波谷在今太平縣東南三十五里白波谷不屬西河郡而曰西河白波谷者徒以近龍門西河耳由是言之春秋戰國以迄秦漢西河之名徃徃不專目一地如是然絕無與於唐上元以後之西河縣

縣境去河遠因西河郡治得稱非有取義

汾陽之爲縣名漢及隋唐皆非此地漢書地理志太原郡汾陽北山汾水所出水經汾水出太原汾陽縣北管涔山山在今寧武縣西六十里值靜樂縣北百四十里隋書煬帝紀大業四年以離石之汾源臨泉鴈門之秀容爲樓煩郡起汾陽宮地理志樓煩郡靜樂有汾陽宮有管涔山天池汾水元和郡縣圖志靜樂縣隋汾陽故宮在縣北百五十里天池在縣北燕京山上周廻八里唐書地理志嵐州靜樂武德四年析置汾陽縣六年省有天池祠有管涔山有隋故汾

陽宮。天池在今寧武縣西南四十里。汾陽宮在今寧武縣西南六十里。又隋志太原郡所領縣有汾陽。舊唐曰陽曲。開皇六年改爲陽直。十六年又改名焉。舊唐書地理志陽曲。隋陽直縣。武德三年分置汾陽縣。七年省陽直。改汾陽爲陽曲。考今靜樂縣及寧武縣之寧化堡。陽曲縣之西北境。皆漢汾陽縣地。故隋唐所析置者。猶本其舊稱。遠在今汾陽縣之北。晉書地理志。司州河東郡有汾陽縣。又遠在今汾陽縣之南。今縣名卽起於明。萬歷二十三年。蓋本宋汾陽軍之稱。以之名縣耳。外此如國語夷吾。私於公子。繫曰中大。

夫里克與我矣。吾命之以汾陽之田百萬。史記晉世家。夷吾遺里克書曰。誠得立。請遂封子於汾陽之邑。賈侍中云。汾水名。汾陽晉地。而不言所在。其地要不出今平陽府境內。汾水之潞。今太平縣南有地名汾陽。爲縣境七鋪之一。曰汾陽鋪。又有汾陽山。雖不必舉以實汾陽之田。然可知地近晉都有名汾陽者矣。顧炎武云。霍山以北皆狄地。自悼公後始開縣邑。前此不見於傳。考國語。宰孔言景霍以爲城。可證顧氏之言爲覈。其北如今交城縣。卽春秋時大戎小戎之地。冀侯避曲沃之亂而奔隨。似奔於姜戎境。又唐叔

始封在今翼城縣之故唐城城北曰古堆坡有唐叔
虞墓晉水卽晉峽之欒池水後人以太原有晉水遂
謂唐叔始封於彼遠在翼之北且七百里不然矣魯
襄公十六年當晉惠公敗于韓之明年狄侵晉取狐
廚受鐸涉汾及昆都杜注云平陽臨汾縣西北有狐
谷亭孔冲遠謂狐廚受鐸皆在汾北狄自北而侵南
涉汾水昆都在汾南今臨汾縣南有昆都聚狐廚受
鐸皆在今襄陵縣卽北與狄鄰當惠公時晉之北境
去今汾陽縣尙遠及魯昭公元年晉荀吳帥師敗狄
於大鹵始擴境北至太原地志或援史記汾陽之邑

傳合尤謬。

平遙縣漢爲京陵中都二縣及鄆縣地北魏徙漢平陶於此以廟諱改爲平遙而中都徙置於榆次隋開皇十六年析置清世縣大業初省入焉以後仍之。

漢書地理志太原郡中都京陵魏書地形志太原郡平遙二漢晉爲平陶後改有京陵城平遙城隋書地理志西河郡平遙開皇十六年析置清世縣大業初廢入焉元和郡縣圖志汾州平遙縣本漢平陶縣地魏改平陶爲平遙京陵故城在縣東七里中都故城在縣西十二里舊唐書地理志後魏廟諱改陶爲遙。

今案漢平陶故城在今文水縣西南二十五里魏雖徙置而西北境猶漢平陶縣故地地形志所云有平遙城卽漢平陶城也元和志文水縣平陶城在縣西南二十五里與今不殊則隋唐已割魏平遙縣之西北境入文水縣矣吉甫但云本漢平陶縣地疎也

介休縣本漢舊縣曰界休亦兼有鄆及中都二縣地晉改界爲介永興後並廢北魏太和八年復置介休縣於漢縣之東南十九年復置鄆縣亦與漢縣異地孝昌二年介休縣僞置平陽界永安中又僞置汲郡界北齊省西河郡之介休入永安北周復於漢故城置介休縣大

象中改曰平昌。隋開皇十六年復改曰介休。以後仍之。
漢書地理志太原郡界休邬。晉書地理志太原國邬。
西河國介休。魏書地形志太原郡邬。晉後罷。太和十
九年復有中都有邬城。西河郡介休。晉亂罷。太和八
年復有邬城介休城。隋書地理志西河郡介休。後魏
置平昌縣。後周以介休縣入焉。開皇十八年改曰介
休。元和郡縣圖志汾州介休縣本秦漢之舊邑在介
山西因名之。高齊省介休入永安縣。周武帝復置介
休縣。宣帝改介休爲平昌縣。開皇末又改平昌爲介
休縣。今案隋志以魏之定陽郡平昌繫之介休。方輿

紀要於介休縣云東魏興和二年析置平昌縣兼置定陽郡考興和二年所置之平昌隸北五城郡不隸定陽其隸定陽者乃興和四年置非二年又北五城定陽皆屬晉州乃興和中前後僑置之郡縣不在介休境元和志以周宣帝時介休改名平昌隋開皇末始復舊名似得其實紀要本隋志之謬又加舛耳

孝義縣本漢茲氏縣地魏移西河郡中陽於此永嘉後省入隰城北魏太和十七年分隰城置永安縣孝昌二年僑置平陽界北齊天保中復舊唐武德二年置新城高唐二縣三年分新城縣地置溫泉縣貞觀元年省新

城高唐入溫泉改永安縣曰孝義宋太平興國元年又改曰中陽後復爲孝義熙寧五年省入介休元祐元年復置元至元三年割溫泉縣之半入焉以後仍之

晉書地理志西河國中陽魏書地形志西河郡永安太和十七年分隰城置唐書地理志武德二年置新城高唐二縣貞觀元年省新城高唐元和郡縣圖志孝義縣本漢茲氏縣地魏移西河郡中陽縣於今理永嘉後省入隰城後魏又分隰城於今靈石縣東三十里置永安縣貞觀元年以縣名與涪州縣名同改爲孝義後魏於土軍故縣東七十里置嶺東縣孝文

改爲新城縣。武德三年，於縣東南四十里置溫泉縣。因縣南溫泉爲名。貞觀元年，省新城縣。宋史地理志：汾州孝義。太平興國元年，改爲中陽。後復爲孝義。熙寧五年，省爲鎮。入介休。元祐元年，復。元史地理志：汾州孝義。至元三年，割溫泉縣之半置巡檢司。隸本縣。案地形志：建義元年，置永安郡，治永安城。領永安、楊二縣。東魏置永安戍。北周建德六年，宇文憲自雀鼠谷攻拔洪洞、永安二城，所謂永安城，卽今霍州治。與西河之永安同名而異地。

臨縣本藺臯狼之地。晉省入離石。北周大象中，於此置

烏突縣隋開皇中改曰太和唐武德三年置臨泉縣尋省太和縣入焉金改臨泉爲臨水元中統二年仍改曰臨泉三年改臨泉縣爲臨州至元五年己卯州治南徙四十里明洪武二年改州爲縣以後仍之

漢書地理志西河郡臯狼蘭隋書地理志離石郡太和後周置曰烏突及置烏突郡開皇初郡廢縣尋改焉元和郡縣圖志石州臨泉縣周大象元年於此置烏突縣開皇元年改烏突縣爲太和縣武德三年改太和爲臨泉唐書地理志石州臨泉本太和武德三年更名別析置太和縣元史地理志冀寧路臨州金

置臨水縣元中統二年仍改臨泉縣三年升臨州明
史地理志汾州府臨元臨州洪武二年降爲縣今案
漢西河郡有臨水縣或以爲卽臨縣然水經注與唐
宋地志絕不涉及無可證實闕之可也臨泉縣唐書
以爲別析置太和考太和本隋舊縣武德三年蓋析
太和置臨泉非太和於此時始析置也尋卽併省是
以元和志但云改太和爲臨泉歟元史謂臨泉金爲
臨水金史志仍作臨泉未改亦作史者失之

石樓縣本漢土軍縣地北魏設石樓堡太平真君九年
於土軍故城置吐京郡領縣二曰嶺東曰嶺西太和二

十一年改嶺東爲新城縣嶺西爲吐京縣孝昌中陷寄治西河北齊復故隋開皇初郡廢爲吐京縣十八年改曰石樓唐武德元年析置長壽臨河二縣貞觀元年省長壽臨河入石樓以後仍之

漢書地理志西河郡土軍魏書地形志吐京郡真君九年置孝昌中陷寄治西河領縣二新城世祖名嶺東太和二十一年改吐京世祖名嶺西太和二十一年改隋書地理志龍泉郡石樓舊置吐京郡及吐京縣開皇初郡廢十八年縣改名元和郡縣圖志隰州石樓縣本漢土軍縣也晉省後魏於此城置吐京郡

開皇十八年改吐京爲石樓縣。因縣東石樓山爲名也。唐書地理志隰州石樓。武德二年以縣置長壽臨河二縣。貞觀元年省長壽臨河。

永寧州。本漢離石縣及蘭臯狼隰成之地。後漢省隰成。晉省蘭臯狼。北齊置昌化良泉二縣。北周改昌化縣爲離石縣。大象中析置定胡窟胡盧山三縣。隋開皇中改窟胡曰脩化。大業三年移良泉縣於方山。改名方山縣。其盧山縣。大業初併入脩化。而脩化縣省。併不見史志。唐貞觀二年改定胡縣曰孟門。七年省。八年復置定胡縣。十一年方山縣。北徙三十五里。金明昌六年改定胡

縣曰孟門。貞祐四年徙方山縣於積翠山。元中統二年省離石縣入石州。三年復置。至元三年省孟門方山二縣入離石。明初省離石縣入石州。隆慶元年改州曰永寧。以後仍之。

漢書地理志西河郡離石。隰成。隋書地理志離石郡脩化。後周置曰窟胡。及置窟胡郡。開皇初郡廢。後縣改爲脩化。又後周置盧山縣。大業初併入焉。元和郡縣圖志石州離石縣東北有離石水。因取水名也。漢末廢黃初復置。陷劉元海。高齊於此置昌化縣。後周末復爲離石。定胡縣。周宣帝大象元年於此置定胡縣。

貞觀二年改置孟門縣七年廢縣爲孟門鎮八年廢
鎮復爲定胡縣方山縣高齊於離石縣北六十八里
置良泉縣大業三年移就今縣南三十五里方山置
故名方山貞觀十一年移於今理舊唐書地理志定
胡貞觀二年析置孟門縣七年省金史地理志石州
方山貞祐四年徙治於積翠山孟門舊定胡明昌六
年更元史地理志石州中統二年省離石縣入本州
三年復立舊置司候司後與孟門方山俱省入離石
明史地理志汾州府永寧州元石州洪武初以州治
離石縣省入隆慶元年更名永寧州志隆慶元年蒙

古陷城之後署州事太原府同知李春芳以石失二字叶聲不吉請更名爲永寧今案定胡縣元和志謂貞觀二年改置孟門舊唐書以爲析置非也

寧鄉縣本離石縣地北周析離石置寧鄉縣大象中又析置平夷縣隋大業初省寧鄉金明昌六年改平夷縣曰寧鄉以後仍之

隋書地理志離石郡離石後周置寧鄉縣大業初併寧鄉入焉平夷後周置元和郡縣圖志石州平夷本漢離石縣地周宣帝割縣西五十一里置平夷縣金史地理志石州寧鄉舊名平夷明昌六年更今案水

經次中陽於土軍之北寧鄉縣宜爲漢西河郡之中陽魏徙中陽置茲氏南其地始併入離石然自來地志失之無可證實又漢西河郡隰成西都與中陽地皆相比後人但知有離石耳寧鄉之名始於北周其故城在今寧鄉縣東金明昌六年改平夷曰寧鄉實北周之舊名然則大業初省寧鄉其地蓋分入離石平夷二縣隋志但云併入離石畧也唐書地理志平夷縣下云有孝文山考孝文山在離石縣北平夷在離石縣南唐書似有舛誤

